

PEMBERITAHUAN PERTANYAAN

DEWAN RAKYAT, MALAYSIA

**DARIPADA : Y.B. DATUK SERI HAJI AHMAD BIN HAMZAH
(JASIN)**

PERTANYAAN : LISAN

TARIKH : 02.04.2018

Y.B. DATUK SERI HAJI AHMAD BIN HAMZAH [JASIN] minta **MENTERI KEWANGAN** menyatakan sebab-sebab Kementerian/jabatan mengalami pemotongan/kekurangan/kelewatan menerima peruntukan sedangkan Kerajaan telah pun memperoleh penjimatan hasil melalui rasionalisasi subsidi dan peningkatan hasil melalui kenaikan harga minyak mentah dua kali ganda dari paras terendah serta pelaksanaan GST dan bilakah keadaan ini dijangka akan kembali sepenuhnya.

JAWAPAN

Untuk makluman Ahli Yang Berhormat,

Kerajaan menyalurkan peruntukan tahunan kepada semua kementerian/jabatan bagi membolehkan mereka berbelanja mulai 1

Januari setiap tahun berdasarkan keperluan/komitmen kementerian/jabatan, keupayaan kewangan Kerajaan serta anggaran kutipan hasil.

Buat masa ini, Kerajaan tidak bercadang untuk membuat pemotongan perbelanjaan, malahan Kerajaan bersedia memberi peruntukan tambahan terutamanya yang melibatkan program kos sara hidup bagi mengurangkan beban rakyat sekiranya kutipan hasil meningkat daripada unjuran asal.